



### BELEGGINGSDOELWIT

Die beleggingsdoelwit van die portefeulje is om beleggers van kapitaal groei te voorsien deur hoofsaaklik in aandele te belê. Met aandeleblootstelling van tussen 80% en 100%, sowel plaaslik as in die buiteland, is die portefeulje afgestem op die belegger wat bereid is om hoë risiko te verduur, spesifiek wat wisselvalligheid betref. Inkomste is nie die hoofdoelwit van hierdie portefeulje nie. Die Fonds mag by tye gebruik maak van genoteerde en ongenoteerde afgeleide instrumente om die Fonds se beleggingsdoelwit na te streef. Die Fonds mag by tye gebruik maak van genoteerde en ongenoteerde afgeleide instrumente om die Fonds se beleggingsdoelwit na te streef.

### MEER OOR DIE FONDS


ASISA-klassifikasie	Suid-Afrikaans - Aandele - Algemeen
Risikoprofiel	Hoog
Maatstaf	FTSE/JSE-indeks van alle aandele
Aandeleblootstelling	Die aandeleblootstelling van die fonds sal te alle tye 80% van die netto batewaarde van die portefeulje oorskry.
Buitelandse Blootstelling	Tot 30% van die bates kan buitelandse belê word, en 'n verdere 10% in Afrika (buiten RSA).

### ONDERLIGGENDE BELEGGINGS

Direkte Aandele (Verskans)	42.06%
Ci Equity Fund	1.79%
Ci Engineered Equity Core Fund	0.88%
Fairtree Equity Prescient Fund	11.53%
36One BCI SA Equity Fund	11.23%
International Equity Fund	20.92%
International Flexible Fund	10.16%
SA Kontant	1.42%
VSA Kontant	0.01%

Die beleggingsbestuurder sal so ver moontlik in portefeuljes of portefeuljeklasse belê wat nie 'n prestasiefout hef nie.

### BATEALLOKASIE



Neem kennis: Bateallokasie is een maand agter.

### HISTORIESE PORTEFEULJEPRESTASIE\*

	1 jaar	3 jaar	5 jaar	10 jaar
Kruger Ci Aandelefonds	1.72%			
Maatstaf	-0.90%			
Hoogste opbrengs oor rollende tydperk van 12 maande				10.84%
Laagste opbrengs oor rollende tydperk van 12 maande				-7.46%

\*Jaarlikse saamgestel

### DIE KRUGER BELEGGINGSKOMITEE

Hein Kruger:	Hoofbeleggingsbeampte
Mia Kruger:	Portefeuljebestuurder
Johan Marais:	Beleggingskomiteelid
Charl Bester:	Beleggingskomiteelid
Chris Nel:	Beleggingskomiteelid
Analytics Consulting:	Beleggingskonsultant

### KOMMENTAAR DEUR PORTEFEULJEBESTUURDER

Internasionaal:  
In Februarie het internasionale markte voortgebou op Januarie se winste te midde van die Amerikaanse Federale Reserweraad se meer defensiewe posisie tov monetêre beleid, vordering met die Amerika/China tarief-onderhandelings en 'n bevredigende vierde kwartaal verdienste-seisoen. Ten spyte van die volgehoue positiewe Amerikaanse data bly ekonomiese skepties oor die volhoubaarheid daarvan maar meer spesifiek oor dié van die internasionale ekonomie met veral China en Europa wat uitgesonderd word. Chinese groei vir 2019 is pas afgeskaal van 6.5% na 6.0% terwyl die Eurozone se groei ook afwaarts aangepas is van 1.7% na 1.1%. Gekoppel met die ekonomiese bekommernisse en bydraend tot onsekerheid is politieke flitspunte soos die warboel rondom Brexit, die Amerika/China handelsdispuut wat nog nie bygelê is nie en die voortslepende Mueller-ondersoek na moontlike samespanning tussen die Trump-veldtog en die Russe. Amerikaanse indiensnemingsyfers vir Februarie het onverwags teleurgestel deur met net 20,000 nuwe werkseleenthede teenoor die verwagte 180,000 te groei. Dit het sleg afgesteek teen Januarie se sterk groei van 304,000 maar dit is tot 'n mate geneutraliseer deur die jaar-op-jaar groei van 3.4% in uurlikse lone, die skerpsste groei sedert April 2009 en 'n verbetering in werkloosheid van 4.0% tot 3.8%. Teen hierdie agtergrond tesame met bevredigende maatskappy-winste vir die vierde kwartaal het markte goed gevaar in Februarie, bygesê teen hoër vlakke van wisselvalligheid. Die belangrikste indekse het skerp gestyg – die MSCI Alle Lande-indeks met +3.21% (+12.97%jtd); die Dow Jones-indeks met +4.03% (+11.62%jtd); die S&P 500-indeks met +3.21% (+11.48%jtd) en die MSCI Opkomende Markte-indeks met +0.32% (+6.74%jtd) – alles in Amerikaanse dollars.

Plaaslik:  
Die plaaslike ekonomie bly broos en het, benewens 'n paar groen lote, ten beste op die laer groeivlakke gestabiliseer. Alhoewel SA se reële BBP vir die vierde kwartaal van 2018 asook vir die volle jaar verras het met effens sterker as verwagte groei, bly die pas van herstel stadig en sal na verwagting so bly tot na die Algemene Verkiesing op 8 Mei 2019. Ten spyte van 'n indrukwekkende staatsrede deur President Cyril Ramaphosa op 7 Februarie en 'n streng maar goed ontvangde begrotingsrede deur Finansminister Tito Mboweni bly beleid-onsekerheid 'n groot bekommernis vir besigheidslui. Wat veral investeringsrisiko verder verhoog is die haglike finansiële stand van talle staatsinstellings met Eskom wat uitstaan. Die bekommernis is hoofsaaklik tov die bykomende finansiële bystand wat benodig gaan word uit 'n beperkte staatskas. Onder die negatiewe ekonomiese data was SA se handels en begrotingsbalanse wat teleurstellende tekorte in Januarie aangeteken het, die vervaardigings-PMI wat skerp teruggesak het in Februarie en die SACCI en BER besigheidsvertrou-indeks wat verder gedaal het teen die agtergrond van lae groei, hoër werkloosheid en swak vraag. Die fokus het nou skerp verskuif na 29 Maart wanneer Moody's na verwagting hulle volgende aanslag oor SA as 'n beleggingsbestemming gaan aankondig. Belyn met internasionale markte het die FTSE JSE Algehele-indeks met +3.41% (+6.31%jtd) in Februarie gestyg. Al die Kruger Fondse het ook goeie stygings aangeteken - Aandele met +5.03% (+6.48%jtd); Gebalanseerde FOF met +4.06% (+5.36%jtd); Voorsorg FOF met +3.31% (+4.08%jtd) en Wêreld FOF met +9.66% (+6.88%jtd). Die nuwe Kruger Gebalanseerde het gestyg met +3.02% (+5.14%jtd) en die Voorsorg Fondse met +2.69% (+3.84%jtd).

### VOORSTE 10 AANDEELHOUDINGS

Naspers	9.31%	CF Rlichemont	2.86%
Anglo American	4.17%	Sanlam	2.51%
Sasol	3.99%	Nedbank	2.12%
BHP Group	3.48%	Standard Bank	1.73%
Old Mutual	2.87%	Mr Price	1.34%

Jongste beskikbare inligting oor voorste tien aandelehouidings soos bekend gemaak deur Portfolio Analytics Consulting (Pty) Ltd teen die einde van Februarie 2019.

Hierdie dokument is 'n Minimum Openbaaringsdokument en bevat keminligting oor hierdie portefeulje. Die dokument word maandeliks bygewerk. Bron: Sifers is bekom van Morningstar vir die tydperk geëindig Februarie 2019, het betrekking op 'n enkelbedrag, en is gegrond op netto batewaarde - (NBW-) teenoor NBW-pryse en die herbelegging van inkomste-uittakings.

VPI vir alle stedelike gebiede is bekom van I-Net Bridge.



### BYKOMENDE INLIGTING

Aanvangsdatum	3 Julie 2017	Totale onkosteverhouding	Klas A: 1.38
NBW-openingsprys	1000.00 sent per onderaandeel	Transaksiekoste	Klas A: 0.22
Fondsgrootte	R 170 miljoen	Totale beleggingsheffing	Klas A: 1.60
Aanvangsfooi	Klas A: 0%	Berekeningstydperk	Ontstaan tot 31 Desember 2018
Aanvanklike adviesfooi	Maksimum 3.00% (BTW uitgesluit)	Inkomsteverklaringsdatums	30 Junie en 31 Desember
Jaarlikse diensfooi	Klas A: 0.920% (BTW uitgesluit)	Uitkerings die afgelope 12 maande (sent per onderaandeel)	31/12/2018: (A) 0.00, 30/06/2018: (A) 4.83
Jaarlikse adviesfooi	Maksimum 1.00% (BTW uitgesluit)	Herbelegging-/uitbetalingsdatums	2de werksdag in Julie en Januarie
Handelsluitingstyd	14:00	Gereeldheid van prysbepaling	Ons daaglikse NBW-pryse verskyn op ons webtuiste en in die nasionale pers.
Waardasietyd	17:00		

### Openbaarmaking van botsing van belange ingevolge Wet op Finansiële Advies- en Tussengangerdienste (FAIS)

Die jaarlikse fooie vir die A-klas sluit in 'n fooi van tot 0.500% betaalbaar aan Kruger, 'n fooi van tot 0.120% betaalbaar aan Ci Collective Investments, en 'n fooi van tot 0.300% betaalbaar aan Analytics Consulting. Alle voormelde fooie sluit BTW uit.

Let asseblief daarop dat wanneer die finansiële diensteverskaffer (FDV) 'n party verbonde aan die portefeuljebestuurder is, die FDV/verspreider in die meeste gevalle bykomende fooie kan verdien benewens dié wat die portefeuljebestuurder hef. Dit is die FDV se verantwoordelikheid om sodanige bykomende fooie aan die belegger bekend te maak.

### Kenmerke

Die fonds belê hoofsaaklik in aandele met die doel om op lang termyn beter as die FTSE/JSE-indeks van alle aandele te presteer. Die fonds is geskik vir beleggers wat gewillig is om in die soeke na langtermyn groei 'n hoër vlak van wisselvalligheid te aanvaar. Beleggers in hierdie fonds behoort dus bereid te wees om 'n hoër berekende risiko te loop.

### Risikobeloningsprofiel: Hoog

'n Laer risiko word gewoonlik met 'n laer maontlike opbrengs verbind, en 'n hoër risiko met 'n hoër maontlike opbrengs. Tog is daar geen waarborg dat opbrengste hoër sal wees op beleggings in 'n portefeulje met 'n hoër risikoprofiel nie. Die risikoprofiel vir hierdie portefeulje word as hoog bestempel aangesien dit tussen 80% en 100% in plaaslike sowel as buitelandse aandele kan belê. Die risiko het alleenlik betrekking op wisselvalligheid.

### RISIKODEFINISIES

#### Markrisiko

Aandelemarkte is wisselvallig, en aandelepryse wissel na gelang van 'n aantal faktore, waaronder veranderinge in die ekonomiese klimaat, algemene veranderinge in rentekoerse sowel as die politieke en maatskaplike omgewing. Dit raak op sy beurt die waarde van die aandele in die effektrust, wat die algehele waarde van die effektrust beïnvloed.

#### Wisselkoers-/buitelandse valutarisiko

Hierdie risiko hou verband met beleggings waarvan die waarde in buitelandse geldeenhede aangedui word. Skommeling in die buitelandse geldeenhede teenoor die Suid-Afrikaanse rand kan die beleggings hetsy baat of knou.

#### Konsentrasierisiko

Effektetrusts voeg verskeie beleggers se bates saam en gebruik die opbrengs om 'n beleggingsportefeulje te koop. Huidige regulasies beperk die bedrag wat 'n effektrust in beleggingsinstrumente kan belê om sodoende 'n meer eweredige risikoverspreiding oor beleggingsinstrumente, bateklasse en maatskappye heen te verseker.

#### Likiditeitsrisiko

Dit hou verband met die effektrust se vermoë om beleggingsinstrumente in die portefeulje teen of na aan die billike waarde daarvan te verhandel. Dit kan 'n invloed hê op likiditeit en, in geval van buitelandse beleggingsinstrumente, die repatriasie van geld.

#### Kredietrisiko

Kredietrisiko is waar 'n uitreiker van 'n beleggingsinstrument, uitgesluit aandele, maontlik nie die rente sal kan betaal of die kapitaal sal kan delg nie, wat die waarde van die effektrust sal raak.

#### Inflasierisiko

Die risiko van 'n maontlike verswakking in die koopkrag van 'n belegging weens 'n algemene toename in verbruikerspryse.

#### Politieke risiko

Die risiko dat beleggingsopbrengste kan verswak weens politieke veranderinge of onstabiliteit in 'n land. Onstabiliteit kan die gevolg wees van veranderinge in die land se regering, beleidsvormers of weermag.

#### Belastingrisiko

Hierdie risiko hou verband met enige verandering in belastingwette of in die vertolking van bestaande belastingwette wat 'n invloed kan hê op hoe effektrusts belas word.

#### Voldoeningsrisiko

Dit verwys na die risiko van nie-voldoening aan wetgewing, regulasies, voorgeskrewe beleggingsperke en interne beleide en prosedures deur die bestuurder of portefeuljebestuurder.

*Hierdie dokument neem nie die unieke persoonlike omstandighede van enige kliënt van 'n finansiële diensteverskaffer (FDV) in ag nie, en is ook nie 'n risiko-ontleding van of ondersoek na enige kliënt se finansiële behoeftes nie. Die meeste kollektiewe beleggingskemas in effekte (KBS in effekte) is middel- tot langtermynbeleggings. Die waarde van deelnemende belange kan styg sowel as daal, en vorige prestasie is nie noodwendig 'n voorspeller van toekomstige prestasie nie. KBS in effekte word teen heersende pryse verhandel, en kan by die leen en uitleen van aandelebewyse betrokke wees. Verskillende klasse onderaandele is van toepassing op hierdie portefeulje en is onderworpe aan verskillende fooie en heffings. 'n Lys van fooie en heffings kan van Ci aangevra word. Ci bied geen waarborg met betrekking tot hetsy die kapitaal of opbrengs van die portefeulje nie. Vooruitprysbepaling word gebruik. Skommeling van verandering in wisselkoerse kan die waarde van onderliggende internasionale beleggings laat styg of daal. Internasionale beleggings kan bykomende risiko's inhou, soos maontlike beperkinge op likiditeit en die repatriasie van geld, makro-ekonomiese risiko, politieke risiko, wisselkoersrisiko, belastingrisiko, vereeningsrisiko sowel as maontlike beperkinge op die beskikbaarheid van markinligting. Die portefeulje kan van tyd tot tyd gesluit word om dit meer doeltreffend ingevolge sy mandaat te bestuur. 'n Fonds van fondse is 'n portefeulje wat belê in die portefeuljes van kollektiewe beleggingskemas, welke skemas hulle eie fooie hef, wat 'n hoër fooistruktuur vir die fonds van fondse tot gevolg kan hê. Die Kruger-portefeuljes word deur Ci saamgestel en geadmistreer, en deur Kruger Internasionaal bestuur en bemark. Kruger Internasionaal is 'n indirekte aandeelhouer in Ci. As indirekte aandeelhouer, kan Kruger Internasionaal van tyd tot tyd dividende verdien, en deelname aan enige dividende kan gekoppel wees aan die inkomste wat Ci uit die Kruger-portefeuljes en enige ander Ci-portefeuljes skep. Hoewel die portefeulje sowel Ci as Kruger Internasionaal se naam dra, aanvaar Ci volle regs aanspreeklikheid daarvoor. Bykomende inligting oor die portefeulje kan regstreeks en kosteloos van Ci bekom word. Ci is 'n geaffilieerde lid van die Vereniging vir Spaar en Belegging SA (ASISA).*

*Totale onkosteverhouding (TOV): Die TOV-persentasie hierbo is jaarliks saamgestel. Dit dui op die persentasie van die portefeuljewaarde wat bestee is aan koste met betrekking tot die administrasie van die portefeulje oor 'n rollende tydperk van drie jaar of sedert die aanvang van die fonds. 'n Hoër TOV impliseer nie noodwendig 'n swak opbrengs nie, en 'n lae TOV dui nie noodwendig op 'n goeie opbrengs nie. Huidige TOV's kan ook nie as 'n voorspeller van toekomstige TOV's beskou word nie.*

*Transaksiekoste (TK): Die TK-persentasie hierbo is jaarliks saamgestel. Dit dui op die persentasie van die portefeuljewaarde wat bestee is aan koste met betrekking tot die koop en verkoop van onderliggende portefeuljebates. Transaksiekoste is noodsaaklik om die portefeulje te administreer, en het 'n invloed op portefeuljeopbrengste. Tag behoort dit nie in afsondering beskou te word nie, want opbrengste kan oor tyd deur verskeie ander faktore geraak word, waaronder markopbrengste, die tipe portefeulje, die beleggingsbestuurder se beleggingsbesluite, en die TKV.*

*Die totale beleggingsheffing is die TOV plus TK, wat dui op die persentasie van die portefeuljewaarde wat bestee is aan koste met betrekking tot die belegging van die portefeulje.*

*Die TOV en TK kan nie akkuraat bepaal word nie vanweë die kort leeftyd van die portefeulje. Berekeninge is so ver maontlik gegrond op werklike data, en op beste ramings waar werklike data nie beskikbaar is nie.*

*Die aangeduide prestasie is vir enkelbedragbeleggings, met inkomste-uitkerings voor die aftrekking van toesaplike belasting. NBW- tot NBW-syfers is gebruik. Die jaarliks saamgestelde opbrengs is die opbrengs vir die prestasietydperk wat aangepas is tot een jaar. Prestasie word vir die portefeulje bereken, en individuele beleggersprestasie kan dus verskil as gevolg van aanvangsfooie, die werklike beleggingsprestasie, die datum van herbesieting en dividenderughoubelasting.*

*FDV: Hein Kruger Internasionale Fondsbestuur (Pty) Ltd, FDV-nommer 521, Tel: (011) 726 7700 Faks: (011) 219 7111*

*Maatskappy/skema: Ci Collective Investments (RF) (Pty) Ltd, Posbus 412249, Craighall, 2024. Tel: 0861 000 881, webtuiste: www.cicollective.co.za*

*Trustee: FirstRand Bank Limited, Tel: (011) 371 2111*

*Kruger Ci Aandelefonds 2 van 2*